



Bosna i Hercegovina  
Federacija Bosne i Hercegovine  
Kanton Sarajevo - Grad Sarajevo  
**OPĆINA CENTAR SARAJEVO**  
**Općinski načelnik**

Na osnovu čl. 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09), člana 7. i 25. Statuta Općine Centar Sarajevo – prečišćen tekst („Službene novine Kantona Sarajevo“ broj: 23/04), Pravilnika o dodjeli sredstava za finansiranje/sufinansiranje projekata obrazovnih ustanova, broj: 13-11-1538/25 od 26.11.2025. godine i Odluke o pokretanju postupka raspisivanja i provođenja javnog poziva, broj: 13-11-6804/25 godine, od 2.12.2025. godine, Općinski načelnik upućuje

## **JAVNI POZIV**

### **za dodjelu sredstava za finansiranje/sufinansiranje troškova obnove i opremanja objekata obrazovnih ustanova**

#### **I OPIS PROGRAMA**

Finansiranje/sufinansiranje troškova obnove i opremanja objekata obrazovnih institucija ima za cilj unapređenje odgojno–obrazovnog procesa i uslova rada u predškolskim ustanovama, osnovnim i srednjim školama, te visokoškolskim ustanovama, odnosno stvaranja što povoljnijih uslova za realizaciju nastave.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

#### **II PRAVO NA DODJELU SREDSTAVA**

- (1) Pravo na podnošenje zahtjeva za dodjelu sredstava za ovu namjenu imaju javne ustanove iz oblasti obrazovanja čije je sjedište na području općine Centar i to:
  - a) predškolske ustanove,
  - b) osnovne škole,
  - c) srednje škole,
  - d) visokoškolske ustanove
- (2) Sredstva planirana za ovu namjenu rasporedit će se u sljedećim procentima:
  - a) predškolsko obrazovanje – 20%,
  - b) osnovno i srednje obrazovanje – 60%,
  - c) visokoškolsko obrazovanje – 20%.
- (3) Pravo na podršku ne mogu ostvariti ustanove koje nisu opravdale sredstva dodijeljena u prethodnim budžetskim godinama.

#### **III TRAJANJE JAVNOG POZIVA I NAČIN PODNOŠENJA ZAHTJEVA**

Javni poziv se objavljuje na web stranici Općine i ostaje otvoren 15 dana od dana objave na web stranici Općine Centar.

Zahtjevi za finansiranje/sufinansiranje dostavljaju se službi nadležnoj za oblast obrazovanja (u daljem tekstu: Služba) elektronskim putem, preporučeno putem pošte ili putem protokola.

## IV POSTUPAK DODJELE SREDSTAVA

Sve pristigle zahtjeve obrađuje Komisija za provođenje javnog poziva koju će rješenjem imenovati Općinski načelnik. Nepotpune i neblagovremene prijave neće se uzimati u razmatranje.

Komisija za provođenje javnog poziva, koju imenuje Općinski načelnik, će u roku od 15 dana od dana zatvaranja javnog poziva sačiniti preliminarnu listu korisnika sredstava, koja će, nakon što bude verifikovana od strane Općinskog načelnika, biti objavljena na web stranici Općine Centar Sarajevo. Svaki član komisije će biti isključen iz postupka dodjele ukoliko se utvrdi da je u sukobu interesa u odnosu na podnosioc prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Podnosioci zahtjeva mogu u roku od 8 dana od dana objavljivanja preliminarne liste podnijeti prigovor. O prigovorima će rješavati Komisija za rješavanje prigovora koju će posebnim rješenjem imenovati Općinski načelnik, a koja će u roku od 8 dana od dana ulaganja prigovora odlučiti o istom.

Odluka o dodjeli sredstava objavljuje se na web stranici Općine Centar Sarajevo. Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

## V KRITERIJI

Kriteriji odabira prioriteta koji će biti finansirani/sufinansirani su:

Kriterij	Podkriterij	Bodovi
Usklađenost ciljeva projekta sa prioritetnim oblastima iz strateških dokumenata	u potpunosti usklađeni	5
	djelimično usklađeni	3
Kvalitet i relevantnost prijedloga projekta	nisu dovoljno jasno definisani ciljevi i metode provođenja aktivnosti	1
	jasno definisani ciljevi i metode provođenja aktivnosti	3
Stepen realizacije projekta koji se kandidira	projekat koji se kandidira je započet i realizovan u procentu od 20%	1
	projekat koji se kandidira je započet i realizovan u procentu od 50%	3
	projekat koji se kandidira je započet i realizovan u procentu od 70% i više	5
Utjecaj projekta, odnosno koje se promjene očekuju od provođenja projekta	djelimično obrazložen uticaj projekta i koje promjene se očekuju	2
	detaljno obrazložen uticaj projekta i koje promjene se očekuju	4
Učešće vlastitim sredstvima u finansiranju predmetnog projekta	učešće vlastitih sredstava u iznosu do 20% u realizaciji kandidiranog projekta	1
	učešće vlastitih sredstava u iznosu od 20-50% u realizaciji kandidiranog projekta	3
	učešće vlastitih sredstava u iznosu preko 50% u realizaciji kandidiranog projekta	5

Učešće drugih donatora u finansiranju predmetnog projekta	učešće drugih donatora u iznosu do 20% u realizaciji kandidiranog projekta	1
	učešće drugih donatora u iznosu od 20-50% u realizaciji kandidiranog projekta	3
	učešće drugih donatora u iznosu preko 50% u realizaciji kandidiranog projekta	5
Prioriteti za finansiranje	projekti namijenjeni povećanju sigurnosti učenika	5
	projekti namijenjeni poboljšanju higijenskih/zdravstvenih uslova	4
	projekti nabavke potrebnog namještaja	3
	opremanje objekata savremenim nastavnim učilima/opremom	2

## VI POTREBNA DOKUMENTACIJA

Uz zahtjev potrebno je priložiti:

- Jasan opis aktivnosti odnosno prijedlog projekta obnove/opremanja,
- Predmjer i predračun radova/potrebne opreme,
- Dokaz da škola posjeduje idejni/glavni projekat (ukoliko izvođenje planiranih radova podrazumijeva pribavljanje određenih saglasnosti).

## VII IZNOS SREDSTAVA

Općina Centar Sarajevo planirala je sredstva u Budžetu Općine Centar za 2025. godinu za finansiranje/sufinansiranje troškova obnove i opremanja obrazovnih ustanova, u ukupnom iznosu od 260.000,00 KM. Minimalan iznos sredstava koji se može dodijeliti za finansiranje/sufinansiranje projekta je 5.000,00 KM, a maksimalan ne može prelaziti iznos od 50.000,00 KM.

## VIII NAČIN PODNOŠENJA ZAHTEVA

Zahtjev sa dokumentacijom dostavlja se Službi za obrazovanje, društvene djelatnosti, kulturu i sport – Odsjek za obrazovanje na protokol Općine Centar, ulica Mis Irbina br.1. ili putem pošte.

Za sve dodatne informacije korisnici mogu pozvati broj telefona 033/562-474, 033/562-393 ili poslati upit na mail: obrazovanje@centar.ba.

**OPĆINSKI NAČELNIK**

Srđan Mandić